

Ora de Taizé: en vëndres, ai 19 de otober dales 20:00 a Oies.



En jöbia, ai 18.10.2018 complësc **Trina Insam Pescosta** da Pedraces **81** agn. Le Senioreclub y düta la Comunità ti aoda düte le cun, sanité y benedisciun de Dî.

“Weihnachten im Schuhkarton”: le KVV da La Ila tol pert en chësc ann a chësta aziun de solidarieté. Ara se trata da mëte ite scincundes te na scatora di cialzá (ca. 20x30x10 cm), che gnará menada a mituns y mitans dala meseria d'Est Europa. Chi che oress fá para y ti fá na picera ligrëza por Nadé a n möt o na möta, ciafa informaziuns sön brosciüres jö a pe de dljia.

Film: le Consëi Cultural de Badia inviëia düc i mituns a ciaré al film “COCO” ai 19 de otober dales 17.00 tla Ciasa de Cultura a La Ila.

Referat: „Das bisschen Haushalt macht sich doch alleine...sagt mein Mann“ en mertesc, ai 16 d'otober 2018 dales 20:00 a La Ila te scora mesana cun la referënta Astrid Schönweger. Le Consëi de Formaziun Badia inviëia düc canc.

Maraties psichiches: “Can che an perd la ligrëza y la crëta da vire. Co pói pa vire impara?” N domisdé cun Siur Tone Fiung ai 18 de otober dales 15.30 tla Stüa da Oies a Badia en ocajiun dla incuntada dl grup de aiutoaiüt „Atmosfera“.


Le Sorvisc ai Joqn inviëia ai 16.10.2018 dales 20.00 tl zënter dla jonëza y dla cultura SaJ.un a La Ila a na sëra de formaziun politica por les lites provinziales cun la moderaziun de Diego Clara.

Iscriziuns: in der gleichgestellten Mittelschule *Maria Hueber im Herz-Jesu-Institut* Mühlbach laufen die Einschreibungen 2019/20. Infos unter der Tel. Nr. 0472/849727 oder E-Mail: sekretariat@herzjesu-institut.it

De dles bibliotches 2018: ves inviun

- a Badia te biblioteca ai “Amisc dles erbes s'incunta” en vëndres ai 19 de otober dales 20:00

- a La Ila te biblioteca al teater dles ambries por mitans y mituns “Der Besuch” por talian cun Irene Moroder y Georg Malfertheiner en sabeda ai 20 de otober dales 15:00.



Plata dla Ploania

Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: **parrocchiabadia@libero.it**
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „B“

14.10. - 21.10.2018

28^a Domënia dl Ann

n. 46



UNITÉ PASTORALA
SEELSORGEMEINHEIT
UNITÀ PASTORALE

UNITÉ PASTORALA VAL BADIA



福若瑟

Vangele dla proscima domënia - XXIX^a dl ann „B“

Mc 10,35-45

Te chël tēmp é Iaco y Jan, i fis de Zebedeus, jüs da Gejú y á dit: Maester, i oresson che te fajesses, do ci ch'i te periun. Al á respognü: Ci dessi pa fá por os? Ai ti á dit: Láscesse senté te to rēgn un a man dërta y l'ater a man ciampa dlungia te. Gejú á respognü:

I ne savëis nia do ci ch'i periëis. Podëise os bëre le caresc che iö bëri, o tó sön os le bato cun chël che iö vëgni batié? Ai á respognü: I podun. Dailó ti á Gejú dit: Os boiarëis le caresc che iö bëri, y i ciararëis le bato cun chël che iö vëgni batié. Mo le post a mia man dërta y a mia man ciampa ne n'ai nia iö da dé ia: al ti vëgn conzedü a chi che é destiná. Canche i atrí diesc disceupi á aldi chësc, s'ai dessené cun Iaco y Jan. Dailó i á Gejú cherdé ca y á dit:

I savëis che chi, che vëgn aratá regnanc, sotmët i popui, y che i potënc adora mal súa potënza sura la jënt. Pro os ne dessera nia ester insciö, mo chël, che ô ester gran pro os, dess ester osc sorvidü, y chël, che ô ester le pröm, dess ester le stláf de düc. Deache ince le Fi dl Om n'é nia gnü a se lascé sorví, mo a sorví y a dé ca súa vita sciöche prisc por nen cumpré ciará tröc.

FUNZIUNS SACRES

14.10. 28^a DOMÈNIA dl Ann B

Scomenciamënt d'Edema dla Fede 2018

- 10.00 Mëssa Grana
†ta Paola Frena Pitscheider
†ta Veneranda Ferdigg
- 15.00 Funziun y Prozesciun cun Chëlbeldî da La Crusc
- 18.00 †ta Rosa Crepaz
†to Hermann Irsara dl Gran Ander
†to Sepl Tavella

16.10. Mertesc

- 14.00** Mëssa cun i seniores
†to siur Heinrich Videsott y por les animes
a d'intenziun
por les animes plö arbandonades

17.10. Mercui - S. Ignazio d'Antiochia - Mëssa cun i scolars dla elementara

- 07.30 †ta Carmela Soppera - aniversar
†to siur Laurënz Irsara
†ti Lois Irsara y Artur Conrater

18.10. Jöbia - S. Lûca

- 19.30 S. Mëssa cun i studënc y crejimanc
†ti Clara y Pire Pescoller - aniversar
†to Gerhard Pescoller
†ti Emma y Franz Frenademetz

19.10. Vëndres

- 07.30 †to Milio Clement
por fam. Carlo y Irma Tasser en onur a S. Maria
por les animes dl purgatore

20.10. Sabeda - S. Wendelin

- 16.00 Mëssa a Oies

21.10. 29^a DOMÈNIA dl Ann B - Domènia dles Misciuns


Festa di iubilars de matrimone

- 10.00 Mëssa por la Comunità
por fam. Laurënz y Agnes Tasser en rengraz.
por fam. Iaco y Trudi Frenner
†ta Maria Savio • oferta por les misciuns •
- 18.00 degüna mëssa a S. Linert
a Oies: Funziun de conclujiun d'Edema dla Fede

Dala VITA dla CÛRA

Edema dla Fede 2018: „Credo, credo, nos cherdun“

- Domènia, 14 d'otober:** Scomenciamënt te vigni Ploania
- Lönesc, 15 d'otober:** 20 h a Corvara /salf calonia „mesa torona
mia fede - al prigo !?“ (cun siur Ulrich Fistill,
Valentin Erlacher, Renate dl Cappella y Paola
Tasser)
- Mertesc, 16 d'otober:** 20 h a Al Plan (dlijia) „sëra di Salms“
(cun siur Iaco Ploner)
- Jöbia, 18 d'otober:** 20 h a Badia (salf uniuns) sëra sola la Crejima
(cun Markus Felderer y Team)
- Vëndres, 19 d'otober:** 20 h a La Val (dlijia) „Passionsspiel“
(cun l'uniun dl teater y Cor de dlijia La Val)
- Sabeda, 20 d'otober:** 20 h a San Martin (dlijia) „concert sacral“
(cors de dlijia da S. Martin, La Ila, Lungiarü y
Cor Eres Al Plan)
- Domènia, 21 d'otober:** 18 h a Oies „funziun de conclujiun“ cun
prozesciun dles ciandëres dales 17.15 h da
Badia demez (cianta cor Philia)



En sabeda, ai 13.10.2018 se á uní tl Sacramënt dl
MATRIMONE Caterina Dapunt cun Stefan Sottara. Düta la
Comunità ti aoda tröpa ligrëza y benedisciun de Dî sön so tru
deboriada.

Senioreclub: se incuntun en mertesc ai 16 de otober dales 14:00 te dlijia
por mët man indò nostes incuntades cun la S. Mëssa. Spo junse ala
pizzeria S.Leonardo a se mangé la pizza. Düc é inviá a gní a sté adüm y
fajarun ince le complí di agn. Aspetun cun ligrëza ince chi che vëgn le prüm
iade.

INVIT

ala S.MËSSA de RENGRAZIAMËNT
a düc chi che festejëia chësc ann le
10° - 15° - 20° - 25° - 30° - 35° - 40° - 45° - 50° - 55° - 60°
ANIVERSAR DE MATRIMONE
en domènia, ai 21 de otober 2018
dales 10:00 te dlijia de Badia
I iubilars se abina dales 09:50 dan la Stüa di Paurs
por fá deboriada l'ingres te dlijia tles prömes proches